



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA PILI

Kikao cha Tatu – Tarehe 24 Mei, 2016.

Kikao Kitaanza Saa 3.00 (Tatu) Asubuhi
na Dua zitasomwa.

I. MASWALI:

WAZIRI WA NCHI, OFISI YA MAKAMO WA PILI WA RAIS:

50. MHESHIMIWA JAKU HASHIM AYOUB (Jimbo la Paje) -
Atamuuliza Mheshimiwa Waziri wa Nchi, Ofisi ya Makamu
wa Pili wa Rais:

Kwa kuwa lengo la kuanzisha Ulinzi Shirikishi la Polisi Jamii ni kukabiliana na vitendo vya uhalifu. Na kwa kuwa hivi sasa kumekuwepo na malalamiko ya askari wake baadhi yao kutumia vibaya dhamana waliyopewa ikiwemo vitendo vya kupiga watu wanaowakamata na wakati mwengine kuwanyang'anya vitu vya thamani.

- a) Serikali imefuatilia vipi utaratibu wa askari jamii baada ya kujitokeza malalamiko ya watu kunyang'anywa mali zao ikiwemo Shehia ya Malindi.

- b) Kwa nini Polisi Jamii hawafanyi doria kwa kushirikiana na Polisi ambao wanaujuzi na taaluma ya kukabiliana na uhalifu au mtu yeyote anayetiliwa shaka.
- c) Je, kuna tija gani iliyopatikana tangu kuanzishwa utaratibu wa Polisi Jamii katika Shehia mbali mbali hasa katika Mkoa wa Mjini Magharibi.

WAZIRI WA NCHI, OFISI YA RAIS, TAWALA ZA MIKOA, SERIKALI ZA MITAA NA IDARA MAALUM ZA SMZ:

9. MHESHIMIWA BAHATI KHAMIS KOMBO (Jimbo la Chambani) - Atamuuliza Waziri wa Nchi, Ofisi ya Rais, Tawala za Mikoa Serikali za Mitaa na Idara Maluum za SMZ:

Kwa kuwa mazingira tuliyonayo ni hatari wakati wa mvua kwa sababu mitaro haisafishwi na wananchi wanatupa taka ovyo.

Je, Serikali ina mpango gani wa kuboresha mitaro ili kupunguza maafa haya.

WAZIRI WA NCHI, OFISI YA RAIS, KATIBA, SHERIA, UTUMISHI WA UMMA NA UTAWALA BORA:

33. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Mahakama nyingi duniani ikiwemo Tanzania Bara zimeanza kutekeleza Sheria ya wafungwa kupewa adhabu ya kutumikia maeneo ya huduma za jamii jambo ambalo linazidisha usafi wa mazingira.

- a) Je Serikali ya Zanzibar kupitia Mahakama zake itanza lini kutoa adhabu za kutumikia huduma za jamii kama ilivyo nchi nyengine.
- b) Kwa kuwa mwizi wa kuku anatomia gharama kubwa kwa adhabu ya kutumikia Chuo cha Mafunzo kuliko thamani

ya kuku 1 aliyeiba Je Serikali haioni wakati umefika wa kutoa adhabu ya kutumikia huduma za jamii.

WAZIRI WA HABARI, UTALII, UTAMADUNI NA MICHEZO:

7. MHESHIMIWA NASSOR SALIM ALI (Jimbo la Kikwajuni) - Atamuuliza Waziri wa Habari, Utamaduni, Utalii na Michezo:

Serikali ya SMZ chini ya Dr. Ali Moh'd Shein inastahiki pongezi kwa kuzisaidia kwa hali na mali timu zetu zilizoshiriki katika mashindano mbali mbali kuwakilisha Zanzibar katika mashindano yanayoandaliwa na CAF lakini mbali na pongezi hizo.

- a) Je, Serikali imejiandaa vipi kusaidia timu yetu ya Taifa ya Zanzibar Heroes katika mashindano wanayoshiriki katika nchi za Afrika Mashariki na Kati CECAFA.
- b) Je, Serikali haioni kwamba ipo haja ya kuajiri kocha kutoka Nje kuja kuifundisha timu yetu ya Taifa na Serikali kuchukua dhamana ya kulipa mshahara wa Kocha huyo.

WAZIRI WA ARDHI, MAJI, NISHATI NA MAZINGIRA:

17. MHESHIMIWA SIMAI MOHAMED SAID (Jimbo la Tunguu) - Atamuuliza Mheshimiwa Waziri wa Ardhi, Maji, Nishati na Mazingira:

Kwa kuwa wananchi wanaoishi maeneo ya Bungu wanategemea maji kutoka mashine ya maji ya Kibele.

Ni lini watakabidhiwa mashine ili wananchi wa Bungu wapate maji ya kutosha.

WAZIRI WA UJENZI, MAWASILIANO NA USAFIRISHAJI:

4. MHESHIMIWA ALI SULEIMAN ALI (Jimbo la Kijitoupele) - Atamuuliza Mheshimiwa Waziri wa Ujenzi, Mawasiliano na Usafirishaji:

Barabara ya Kwarara Meli Tano Msikitini hadi Kwarara kwa Ngulangwa, barabara hiyo ni mbaya kiasi cha wananchi wa maeneo hayo wanapata tabu ya usafiri wa daladala pamoja na watu binafsi.

Kwa kuwa wananchi wanaoishi maeneo haya wanasumbuka kwa usafiri. Je, Wizara ina mpango gani wa ujenzi wa barabara hiyo.

WAZIRI WA KILIMO, MALIASILI, MIFUGO NA UVUVI:

53. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Kilimo, Maliasili, Mifugo na Uvuvi:

Wahitimu 93 katika Chuo cha Kilimo Kizimbani walimaliza masomo yao ya stahhada na cheti mwaka 2015.

- a) Kwa kuwa sekta ya Kilimo na Ufugaji inakabiliwa na changamoto kubwa ya upungufu wa wataalamu, hatua gani zimechukuliwa za kuajiri vijana hao haraka na kuondoa kero za wataalamu na mpaka sasa ni wataalamu wangapi wamepewa ajira Serikalini.
- b) Kwa kuwa sekta ya Kilimo na Ufugaji, soko la mahitaji ya mazao yake limekuwa kubwa tangu kuimarika kwa sekta ya utalii, Serikali ina mpango kazi gani wa kuongeza wataalamu zaidi baada ya wataalamu 93 kuhitimu kwa mwaka.
- c) Je ni wataalamu wangapi wanahitajika wa Kilimo na Mifugo kwa Zanzibar ili kuondoa tatizo la uhaba katika sekta hiyo ili wakulima na wafugaji waweze kupata huduma katika kiwango kinachokubalika Kimataifa.

II. HOJA ZA SERIKALI:**Waziri wa Fedha na Mipango:**

Kwamba Baraza hili lifikirie na kuukubali Mpango wa Maendeleo wa Serikali ya Mapinduzi ya Zanzibar 2016/2017 na Makadirio ya Mapato na Matumizi ya Kazi za Kawaida na Maendeleo ya Serikali ya Mapinduzi ya Zanzibar 2016/2017.

Zanzibar,
24 Mei, 2016.

(Raya Issa Msellem)
KATIBU WA BARAZA